

Di bawah projek **Jalur Lebar Pinggir Bandar** (SUBB) yang menyediakan perkhidmatan jalur lebar talian tetap dengan kelajuan sehingga 20 Megabit sesaat, sebanyak **423 ibusawat** telah berjaya dinaiktaraf di seluruh negara termasuk **2 ibusawat** yang terletak di **Parlimen Sik**.

Bagi inisiatif **Peluasan Liputan Jalur Lebar Mudah Alih**, sebanyak 1,686 menara komunikasi baharu telah siap dibina dan beroperasi dengan liputan 3G/4G dan 4,061 menara sedia ada juga telah berjaya dinaiktaraf dengan liputan yang sama di seluruh negara. Daripada jumlah ini, **sebanyak 26 menara adalah terletak di Parlimen Sik**.

Malahan masih terdapat 30 menara yang sedang dibina dan dinaiktaraf dengan liputan 3G/4G di Parlimen Sik yang dijangka siap secara berperingkat sehingga suku ke-4 2018.

SOALAN (48)

**PEMBERITAHUAN PERTANYAAN
DEWAN RAKYAT, PARLIMEN MALAYSIA**

PERTANYAAN: LISAN

TARIKH : 29 MAC 2018
[KHAMIS]

DARIPADA : YB DATUK SAPAWI BIN AHMAD WASALI
[SIPITANG]

SOALAN :

YB DATUK SAPAWI BIN AHMAD WASALI [SIPITANG] minta **PERDANA MENTERI** menyatakan jumlah dibelanjakan oleh Amanah Ikhtiar Malaysia (AIM) bagi membantu meningkatkan taraf hidup rakyat, khususnya golongan miskin dan wanita berpendapatan rendah di luar bandar seluruh negara.

JAWAPAN :-

Tuan Yang di-Pertua,

Untuk makluman Ahli Yang Berhormat, sehingga Disember 2017, Amanah Ikhtiar Malaysia (AIM) telah mengeluarkan pembiayaan sebanyak RM19.18 bilion kepada 389,491 peserta (Sahabat) di seluruh negara. Daripada jumlah tersebut, 389,467 (99%) adalah dari kalangan wanita. Had biaya pinjaman adalah di antara RM1,000 - RM10,000 yang melibatkan 6 jenis skim pembiayaan iaitu i-Mesra, i-Srikandi, i-Wibawa, I- Sejahtera, i-Bestari dan i-Penyayang.

Hasil daripada skim pembiayaan yang ditawarkan oleh AIM, seramai 210,601 Sahabat (54%) telah berjaya memperolehi pendapatan melebihi RM3,500 manakala 124,812 Sahabat (32.04%) memperolehi pendapatan antara RM2001-RM3,500. Selebihnya iaitu 49,670 Sahabat (12.75%) memperolehi pendapatan antara RM701-RM2,000 manakala pendapatan di bawah RM700 hanya melibatkan seramai 4,408 Sahabat (1.3%) sahaja.

Berdasarkan kepada julat pendapatan di atas, lebih daripada 50% Sahabat AIM telah memperolehi pendapatan melebihi RM3,500. Ini menunjukkan bahawa skim pembiayaan mikro di bawah AIM telah memberi impak positif dalam membantu meningkatkan taraf hidup rakyat, khususnya golongan miskin dan wanita berpendapatan rendah di luar bandar seluruh negara.

Sekian, terima kasih.

Mac 2018